



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 888. Usque Ad Annum 1000

Fleury, Claude

August. Vind. [u.a.], 1761

VD18 90117921

§. 9. Joannes XII. Leonem deponit.

[urn:nbn:de:hbz:466:1-66313](https://nbn-resolving.org/urn:nbn:de:hbz:466:1-66313)

Sæculum X.
A. C. 964.

terum, haud facile quis divinaverit, quo pacto illi Episcopi antiquam Disciplinæ Ecclesiasticæ Constitutionem Copronymi legem esse dixerint.

§. IX.

Joannes XII. Leonem deponit.

*Suppl. Reg.
Luitpr. VI.
c. II.*

Otto Imperator Natalis Domini Solemnis anno 963. Romæ celebratis, majorem exercitus partem, ne Romanis oneri esset, dimiserat; hi vero instigante Joanne Papa in Ottonem conjurant, & vitæ ejus insidiantur. Qui, pessimorum mancipiorum consilio detecto, Romanorum haud paucos tertia Januarii anno 964. ultimo supplicio addixit. Tum reliqui cives novo sacramento fidem promittunt, & Imperator elapso octiduo Roma excedens, Spoletum petiturus, Romanorum obsides, rogante Leone Papa, libertati restituit. Ipsi Joannem Papam revocant, quo Urbem intrante, Leoni vix licuit effugere & ad Imperatorem pervenire. Joannes Papa Joanni Cardinali Diacono dextram amputari, & Azonem Protoscriniarium lingua, naribus & duobus digitis mulctari jussit.

*tom. 9. Conc.
p. 653.*

Paucis post reditum suum diebus Joannes Papa, vigesima sexta Februarii, anno nongentesimo sexagesimo quarto, Indictione septima, Concilium in Ecclesia S. Petri, præsentibus Episcopis sexdecim, omni-

omnibus patria Italis, & ex Patrimonio Sæculum X.
 Ecclesiæ, & duodecim Presbyteris Car- A. C. 964.
 dinalibus, celebravit. Quorum plerique
 Concilio ante trimestre habito, in quo
 depositus fuerat, intererant. Isti vero
 Papa initium dedit, dicens: *Scitis, di-*
lectissimi Fratres, me ex propria Sede per
duos menses Imperatoris vi fuisse expul-
sum; quapropter interrogo vos, an cano-
nica Synodus dici possit, illa, quæ in Eccle-
sia mea me absente, quarta Decembris, ab
Ottone Imperatore suisque Archiepiscopis
atque Episcopis habita est? Concilium re-
 spondit: *Prostibulum fuit, favens Leoni*
adultero, alienæ Sponsæ invasori. Papa:
Ergo a nobis damnanda est? Concilium:
Auctoritate SS. Patrum damnanda est.
 Tum sententia pronunciata, amplius Pa-
 pa dixit: *An Episcopi, a nobis ordinati,*
in nostra Patriarchali domo ordinationem
facere potuerunt? Concilium respon-
 dit: *Non potuerunt.* Tum Papa: *Quid*
censetis de Sicone, Episcopo a nobis dudum
consecrato, qui in nostro Palatio Leonem
Curialem & Neophytum in nos perjurum,
Ostiarium, Lectorem, Acolythum, Sub-
diaconum, Diaconum, atque subito Pres-
byterum ordinavit, eumque sine præceden-
te examine contra omnia SS. Patrum sta-
tuta in nostra Apostolica Sede consecrare
ausus est? Concilium: *Deponendi sunt*
& qui ordinavit & qui ordinatus est.
 Papa:

Sæculum X. Papa: *Nescitur, ubi lateat.* Concilium:
 A. C. 964. *Requiratur diligenter usque ad tertium
 Conventum. Si non repertus fuerit, ca-
 nonica sententia feriatur.*

Tunc iterum Papa: *Quid igitur, Re-
 verendissimi Fratres, sancitis de istis duo-
 bus Episcopis a nobis ordinatis, Benedi-
 cto scilicet Portuensi & Gregorio Alba-
 nensi, qui super Usurpatorem preces pro-
 nunciarunt? Concilium: Simili pena
 mulcentur. Sed vestra interim relin-
 quantur potestati usque ad tertium Con-
 ventum.* Papa: *Quid ergo de usurpato-
 re nostræ Sedis faciendum censetis? Con-
 cili.* *cilium: Omnino damnetur; ne ullus de-
 inceptus Curialium, aut Neophytorum, aut
 Judicum, aut publice penitentium ad
 Summum Ecclesiæ gradum aspirare præ-
 sumat.* Tunc vero Joannes Papa Sen-
 tentiam contra Leonem tulit, omni ho-
 nore Sacerdotali, & omni potestate priva-
 vit, addita comminatione perpetui ana-
 thematis, si aliquid de Sacro Ministerio
 Sacerdotii peragere, aut in Apostolico
 Throno residere tentasset. Iisdem vin-
 culis omnes ejus socios & fautores inno-
 davit. Subjunxit: *Quid sentitis de iis,
 qui ab ipso ordinati sunt? Concilium:
 deponantur!* mox Papa præcepit, eos in
 Concilium ingredi, Planetis & Stolis
 indutos, & singulos manu propria in pa-
 gina hæc verba scribere: *Pater meus
 nihil*

nihil sibi habuit, nihil mihi dedit. (*) Sæculum X.
 Sic eos in pristinum gradum detruxit. A. C. 964.

In secunda Sessione, altera die habita, cum Papa dixisset, Siconem diligenter quaesitum inveniri non potuisse, Concilium statuit, ut ejus damnatio usque in tertiam Sessionem suspenderetur. Papa deinde duos Episcopos, qui Leonem ordinaverant, scilicet Benedictum Portuensem & Gregorium Albanensem ad se vocat, & utrumque in charta hæc verba legere jubet: *!Ego Benedictus Episcopus S. Portuensis Ecclesie, Ego Gregorius Episcopus S. Albanensis Ecclesie, vivente Patre meo consecravi in loco ejus Leonem Curialem Neophytum & perjurum (**)* contra Statuta SS. Patrum. Tum sententia in tertiam Sessionem dilata, Papa dixit: *Quid, dilectissimi Fratres, de illis agendum censetis, qui Neophyto pecunias mutuas dederunt ad coemendam Spiritus S. gratiam, quæ nullo pretio venundari potest?* Concilium respondit: *Si Episcopus est, Presbyter aut Diaconus de gradu suo dejiciatur, si monachus aut laicus anathemate percutiatur.* Abbates vero in ditione Pontificis existentes, qui præcedenti Concilio interfuerant, ipsius iudicio

(*) Hic, nomine Patris, ordinans accipitur.

(**) Leo ante Pontificatum erat Laicus, ut Sigebertus scribit.

Sæculum X. A. C. 964. *cio relictæ sunt. Dixit Papa: Hoc etiam statuite, ne unquam minor possit gradum suum majori tollere, & si fecerit Communione privetur, simili modo monachi in illis locis, in quibus Sæculo renunciarunt, maneant. Concilium: Id a nobis statutum sit & confirmatum.*

*Sup. lib.
XLIII.
§. 58.*

In Sessione tertia Papa sententiam protulit in contumacem Siconem Episcopum Ostiensem, qui cum Collegis Leoni manus imposuerat, & omni spe Restitutionis sublata, a Sacerdotio deposuit. Illos, quos Leo ordinaverat, in pristinum gradum dejecit, quod nempe ab ipso nihil accepissent, ea quæ Stephanus Papa egerat contra Clericos a Constantino ordinatos in exemplum adducens. Tandem statuitur, ne Laicus, cum Missæ Solemnia celebrantur, Altari proximus aut intra Sanctuarium consistat. Hæc sunt Acta hujus Concilii, quod magis quam superius in Canones peccare videtur. In quo Leo, absens, in prima Sessione, nunquam vocatus, sine Actore, sine testibus condemnatur. Illud vero notatu dignissimum, quod in hac Synodo, sicut in omnibus aliis, Auctoritas Canonum & SS. Patrum producuntur. (*)

§. X.

(*) Leo in hoc Concilio canonice depositus dici vix posset, nisi alia obfisterent.